

հատուկ պահպանվող տարածքների» մասին ՀՀ օրենքով սահմանված առանձնահատկություններով, հանդիսանում են բնակության միջավայր Հայաստանի Կարմիր գրքում գրանցված հազվագյուտ և անհետացող կենդանական ու բուսական աշխարհի օբյեկտների համար, դրանց հարակից տարածքում առկա են պատմամշակութային և բնության եզակի համալիրներ, ունեն յուրահատուկ և եզակի աշխարհագրական դիրք և երկրաբանական ծագում:

Ջրային օբյեկտ-բնության հուշարձանի տարածքում ցանկացած գործունեությունը կամ դրա ցանկացած տեսակի օգտագործումը չպետք է հակասի բնության այդ հուշարձանի պահպանման ռեժիմին:

**Հակահրդեհային նպատակներով** կարող են օգտագործվել խմելու ջուրը, ինչպես նաև ոռոգման, արհեստական ու բնական ջրամբարների, լճերի և լճակների, ջրավազանների, ջրանցքների, գետերի և առուների ջրերն ու անդրասահմանային ջրային ռեսուրսները:

Հրդեհների մարման ժամանակ ջրի անհրաժեշտ քանակը պետք է տրամադրվի անարգել՝ անկախ առկա ջրի նպատակային նշանակությունից և պատկանելությունից, բացառությամբ այն դեպքերի, երբ ջրի օգտագործումը կարող է հանգեցնել տեխնոլոգիական գործընթացների վտանգավոր խաթարումների:

Ցամաքուրդային (դրենաժային) ջրերի օգտագործումը, բացառությամբ ազատ ջրօգտագործման դեպքերի, իրականացվում է ջրօգտագործման թույլտվության հիման վրա: Արգելվում է ցամաքուրդային համակարգերից ջրօգտագործումը՝ դիմհարներ ստեղծելու միջոցով:

Ցամաքուրդային ջրերի օգտագործումը իրականացվում է պայմանագրային հիմունքներով՝ համաձայն ոռոգման ջրի մատակարարման և օգտագործման կանոնների:

**ՎԵՐԱՀՄԿՈՂՈՒԹՅՈՒՆԸ ՋՐԱՅԻՆ ՌԵՍՈՒՐՍՆԵՐԻ ՊԱՀՊԱՆՈՒԹՅԱՆ ԲՆԱԳԱՎԱՌՈՄ**

Ջրային ռեսուրսների պահպանության ոլորտում վերահսկողություն է իրականացնում ՀՀ Բնապահպանության նախարարության Բնապահպանական պետական տեսչությունը:

Վերահսկողությունն իրականացվում է.

- ա) ջրօգտագործման թույլտվության պահանջների կատարման,
- բ) ջրային ռեսուրսներից իրականացվող ջրառի և

ջրային ռեսուրսներ թափվող վնասակար նյութերի հաշվառման,

գ) ազգային ջրային պաշարի և ջրային ռեսուրսների պահպանմանը նպատակաուղղված միջոցառումների իրականացման,

դ) ջրառի ծավալների ջրօգտագործման նպատակայնության և ջրային ռեսուրսներ թափվող կեղտաջրերի, ինչպես նաև դրանցում պարունակվող վնասակար նյութերի չափաքանակների պահպանման,

ե) ջրային ռեսուրսներից իրականացվող ջրառի թույլատրված ծավալների պահպանման,

զ) ջրօգտագործողների կողմից ջրային ռեսուրսների պահպանության և օգտագործման նորմերի ջրաէկոհամակարգերի պահպանման գոտիների (բացառությամբ սանիտարական պահպանության և անօտարելի գոտիների) պահանջների կատարման,

է) ջրային ռեսուրսների առաջարկի և պահանջարկի աշխատանքների կազմակերպման և իրացման,

ը) ջրային համակարգերում ջրակորուստների նորմատիվային չափաքանակների նկատմամբ:



**ՀՀ ԲՆԱՊԱՀՊԱՆՈՒԹՅԱՆ ՆԱԽԱՐԱՐՈՒԹՅՈՒՆ**

**ՋՐԱՅԻՆ ՌԵՍՈՒՐՍՆԵՐԻ ՕԳՏԱԳՈՐԾՄԱՆ ԿԱՐԳԸ**

Սույն տեղեկատվական թերթիկում տեղեկատվություն է տրվում ջրային ռեսուրսների օգտագործման թույլտվության ընթացակարգի, ջրօգտագործման տարբեր ոլորտների և ձևերի, ինչպես նաև ջրօգտագործման ոլորտում իրականացվող պետական վերահսկողության վերաբերյալ:

Սույն տեղեկատվական թերթիկը պատրաստվել և հրատարակվել է Հայաստանի երիտասարդ իրավաբանների ասոցիացիայի (հասցե՝ ք. Երևան, Նալբանդյան 7, բն. 2, հեռ.՝ 540199, www.ayla.am) կողմից՝ PriceWaterHouseCoopers-ի և ՀՀ կառավարության կողմից իրականացվող «Հայաստան. Հանրային ոլորտի բարեփոխումների ծրագրի» շրջանակներում՝ ՄԱԿ-ի Չարգացման ծրագրի օժանդակությամբ:



Մայիս, 2005

ՀՀ-ում ջրային ռեսուրսների օգտագործման հարցերը կարգավորվում են ՀՀ Ջրային օրենսգրքով և դրանից բխող ենթաօրենսդրական ակտերով:

Ջրային ռեսուրսների կառավարման և օգտագործման թույլտվության հարցերով զբաղվում է ՀՀ Բնապահպանության նախարարության Ջրային ռեսուրսների գործակալությունը (հետագա տեքստում՝ Գործակալություն):

### **ՋՐՕԳՏԱԳՈՐԾՄԱՆ ԹՈՒՅԼՏՎՈՒԹՅԱՆ ԸՆԹԱՑԱԿԱՐԳԸ**

Ջրօգտագործման համար անհրաժեշտ է ստանալ համապատասխան թույլտվություն:

Առանց թույլտվության կարելի է օգտվել ջրային ռեսուրսներից ազատ ջրօգտագործման ռեժիմով: Ազատ ջրօգտագործում է համարվում.

ա) այնպիսի շահագործումը, որը նպատակաուղղված չէ շահույթ ստանալուն,

բ) հանգստի, լողալու, ջրային մարզաձևերով (այդ թվում՝ առանց շարժիչների օգտագործման ջրային սպորտաձևերով) զբաղվելը,

գ) կարթով ձկնորսությունը և սպորտային որսորդությունը,

դ) տեղումների օգտագործումն անձանց սեփականությունում հանդիսացող հողատարածքներում,

ե) ջրի օգտագործումը հակահրդեհային նպատակներով,

զ) բնապահպանական նպատակներով սանիտարական ելքերի համար ջուր վերցնելը:

Գործակալությունը որոշ դեպքերում կարող է որոշակի ջրօգտագործողների ազատել ջրօգտագործման թույլտվություն ստանալու պարտավորությունից՝

ա) եթե այդպիսի ջրօգտագործումն էական չէ,

բ) այնքան ժամանակով, քանի դեռ այդպիսի գործունեությունը չի խախտում կամ չի սպառնում խախտել ջրերի ստանդարտները:

Ջրօգտագործման թույլտվությունը տրվում է դիմողի հայտի հիման վրա, որը ներկայացվում է Գործակալություն: Հայտը ստանալուց հետո, 30 օրվա ընթացքում, Գործակալությունը նախնական կարծիք է տալիս հայտն ընդունելու կամ մերժելու վերաբերյալ՝ հայտը ներկայացնող անձին ուղարկելով հայտի նախնական քննարկման արդյունքները:

Գործակալությունը ջրօգտագործման թույլտվություն ստանալու հայտը կարող է ներկայացնել Ջրի ազգային խորհրդի քննարկմանը: Այդ դեպքում հայտի քննարկման գործընթացը կարող է երկարաձգվել

մինչև 60 օր: Այնուհետև անցկացվում է հայտի վերջնական քննարկումը, որից հետո ջրօգտագործման թույլտվության հայտի վերջնական որոշումը՝ հարակից փաստաթղթերով, ներկայացվում է հայտատուին:

Մերժման դեպքում հայտատուն իրավունք ունի բողոքարկելու որոշումը վերադասության և դատական կարգով:

Ջրօգտագործման թույլտվություն ստանալուց հետո, 30 օրվա ընթացքում, հայտատուն պետք է ստորագրված թույլտվությունը վերադարձնի Գործակալություն, որը 10-օրյա ժամկետում գրանցում է ջրօգտագործման թույլտվությունը և դրան կից պայմանները:

### **ՏԱՐԲԵՐ ՆՇԱՆԱԿՈՒԹՅԱՆ ՋՐԱՅԻՆ ՌԵՍՈՒՐՍՆԵՐԻ ՕԳՏԱԳՈՐԾՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ**

**Անձի սեփականությունը համարվող հողամասում ձևավորվող գրունտային ջրերը** տվյալ անձի կողմից օգտագործվում են՝ դրա մասին տեղեկացնելով ՀՀ Բնապահպանության նախարարությանը՝ նշելով ջրօգտագործողի անունը, ազգանունը, ջրօգտագործման նպատակը, ծավալն ու ջրառի վայրը:

Գրունտային ջրերը խմելու և ռեկրեացիոն նպատակներով տվյալ անձի կողմից կարող են օգտագործվել միայն ջրօգտագործման թույլտվությամբ:

Մույն կարգի խախտման դեպքում օգտագործողը զգուշացվում է, իսկ կրկնվելու դեպքում՝ ենթարկվում վարչական պատասխանատվության:

**Բնական բուժիչ ջրային ռեսուրսներն** օգտագործման է տրամադրում ՀՀ Բնապահպանության նախարարությունը՝ ՀՀ Առողջապահության, Առևտրի և տնտեսական զարգացման նախարարությունների եզրակացությունների առկայության դեպքում: Բնական բուժիչ ջրային ռեսուրսների՝ բուժման նպատակով, ըստ բժշկական ցուցումների, նպատակային և գերակայական օգտագործմանը ներկայացվող պահանջները պարտադիր են ջրօգտագործման և դրա թույլտվության ձևակերպման ընթացքում:

Ջրօգտագործողները պարտավոր են հասարակությանը իրազեկել բնական բուժիչ ջրերի կազմի, բուժիչ հատկությունների և օգտակարության մասին:

**Որսորդական տնտեսության** կարիքների համար ջրային ռեսուրսներն օգտագործվում են ջրօգտագործման թույլտվությամբ, բացառությամբ անձնական կարիքների համար օգտագործման դեպքերի, պայմանով, որ չխախտվեն ջրերի ստանդարտները:

Որսորդական նպատակներով ջրային համակար-

գերն օգտագործելու համար անհրաժեշտ է թույլտվություն ստանալ ջրային համակարգերը շահագործող կազմակերպությունից՝ տեղյակ պահելով Գործակալությանը:

Թույլտվություն ստանալու համար գանձվում է պետական տուրք, ֆիզիկական անձանցից՝ 1000 դրամի, իսկ իրավաբանական անձանցից՝ 10.000 դրամի չափով:

Կենդանական աշխարհի անհետացող կամ անհետացման եզրին գտնվող տեսակների բազմացմամբ զբաղվող անձը ջրի բաշխման հարցում առավելություն ունի այլ անձանց նկատմամբ:

**Ջրոսաշրջության, մարզական և ռեկրեացիոն կարիքների համար ջրային ռեսուրսների** օգտագործումը կատարվում է ազատ ջրօգտագործման ռեժիմով՝ առանց թույլտվության, բացառությամբ, եթե.

ա) բնության հատուկ պահպանվող տարածքներում գտնվող ջրային ռեսուրսների օգտագործումը հակասում է այդ տարածքի համար սահմանված նորմերին,

բ) ջրային ռեսուրսների օգտագործումը խախտում կամ սպառնում է խախտել ջրերի ստանդարտները,

գ) նպատակաուղղված է շահույթ ստանալուն:

**Ձկնային տնտեսության կարիքների համար ջրային ռեսուրսները** կարող են օգտագործել ՀՀ իրավաբանական և ֆիզիկական անձինք՝ Գործակալության կողմից թույլտվություն ստանալուց հետո:

Ձկնային տնտեսությունների ջրօգտագործումը պետք է բացառի ստորերկրյա ջրերի մակարդակի փոփոխությունը, տեղանքի ճահճացումը կամ չորացումը: Իրականացվող ջրառը պետք է պարտադիր կահավորված լինի ձկնարգելքով: Ջրօգտագործումը առանց արհեստական կառույցների թույլատրվում է միայն տվյալ ջրաէկոհամակարգին բնորոշ ձկնատեսակների բուծման պայմանով:

Ջրային օբյեկտներին (լճեր, գետեր, հեյզերներ, թերմալ և հանքային ջրաղբյուրներ, սառցադաշտեր և այլն) տրվում է միջազգային, հանրապետական կամ տեղական նշանակության **բնության հուշարձանի կարգավիճակ**: Միջազգային կարգավիճակի դեպքում դրանք պահպանվում են միջազգային պայմանագրերով սահմանված կարգով, հանրապետականի դեպքում՝ պետության, իսկ տեղականի դեպքում՝ մարզպետարանների և տեղական ինքնակառավարման մարմինների կողմից:

Ջրային օբյեկտներն ստանում են բնության հուշարձանի կարգավիճակ, եթե օժտված են «Բնության